



Neenien awora pekin tumwunun aramas ren semwen

An ewe Sukuun Tumwunun Semwen me Feiengaw

Kuuen man

Kuuen man ikkana ekkewe man mi kukkun re kan manaw seni ar unumi cha.

Ekkoch sokkun kuuen man ra tongeni efisi semmwen ngeni aramas.


Ekkewe kuuen man non sipa, ikkewe ie mi tepetep fetin ika ira me ra tongeni tota won pwan ekkoch man me aramas nupwen ra asaii non ekkewe neeni.

Ika ra nom won och man ika aramas, ekkena kuuen man ra tongeni irenong awer non futuker iwe unumi char. Inisir ra tongeni wakatteeno ika ra sopweno ne unumi char.

Ekkena kuuen man ra tongeni un seni char non ukukun fitu minich tori ekkoch ran.

Ka tongeni kunokun kuuen man iteiten-ier, nge nape ngeni ra chommong atun **maramen spring me summer**.

Ren an esapw kuk kuuen man kepwe suseni ekkewe neeni mi tepetep fetin ika ira ie ra kan nonom ie.



Ika ka sinei pwe kepwe nom non ekkewe neeni mi wor kuuen man ie, tumunu pwe kepwe ufeuf ekkewe uf mi tumunuk senir:

- Ufeuf uf mi ttam peun, raises mi ttam tangan, me sitakin mi ttam. Ei epwe tumunu pwe ekkewe kuuen man repwe nom nukun ufom nge esapw won unuchom.
- Ufeuf uf ese konchon pwe epwe mecheres om kepwe kuna ekkewe kuuen man.
- Etikanong ufom non om raises, me etikanong tangen om raises non ipwom sus ika sitakin. Ei epwe tumunu pwe ekkewe kuuen man repwe nom nukun ufom.



Ika ka fen piin nom non ekkewe neeni mi wor kuuen man, fori ekkei mettoch:

Cheki inisum ika mi wor kuuen man.

- Ekkewe kuuen man ra tongeni wesen kukkun memwen repwe kuuk. Ra tongeni usun eu minefeen pwono ika piipii.
- Tumunu ne cheki non me nukun ewe mokur, chamw, uwan, sening, fan poum, non ttarom, nukanapom, nefinen tangom, me nukun pwasukum.
- Sopweno ne cheki non ukukun ruu ngeni unungat ran.

Cheki ufom ren kuuen man.

- Cheki ufom kewe, ufom jaket me pwotou ren kuuen man. Ra tongeni tonong non imwom seni me won ufom iwe mwirin tota won emon.
- Wanong ufom non neenien apwas won high heat fan ukukun 10 minich pwe epwe ppe ekkewe kuuen man.

Tutu.

- Om tutu memwen a pas ruu awa a tongeni ekisekisatiw an uruk ewe semmwen tickborne.
- Om tutu a tongeni nimetano ekkewe kuuen man.

Etti ekkewe kuuen man

Ika ka kuna emon kuuen man won unuchom, mwittir etti.

Kesapw utti pwe kepwe akkomw no ngeni emon tokter.

- Neuneu och uttut ne etti ewe kuuen man arap ngeni unuchom.
- Weitata ren om iteni. Kesapw okkunu ika mwittir weitata ewe kuuen man.
- Mwirin om etti ewe kuuen man, tenu ewe ia a kuu me poum ren arukon ika sopw me konik.

